

# Tiohtià:ke Kari'wanóntha

Kari'wanóntha iahontahsón:teren ahatitharáhkwe ne tsi nakaié:ren ne tsi tka'nónhkwaen nahò:ten iohetkenhtonhá:tie ne shaoié:ra kaienthó:sera tánon ne oiáshon konnónhnhe

1. Í:i ne ohén:ton ieiá:kwate ne kakorahserà:kon, iakwaio'ténhse ne kakó:ra, teiakwatenaktanónnha, Onkwehón:we iehonwató:rion, ohén:ton iehón:nete ne tóhka nihá:ti ne ratirihwakwatákwas, ohén:ton iehonnete ne Canada iená:kere ónkwe, tánon ne nithotiión:sa raotirihwá:ke, ronteweiénstha, shakotiiénawáse tánon ne à:kte thonatahá:rionte, wa'thonwatinón:weron ne ronatiohkwá:nen ronatenenhraró:ron ne Tiohtià:ke Quebec COP15 aorihwá:ke, ne rotinenhronniá:ton kakoráhsera tioniarotáhrhon tsi watkenni:son ne shaoié:ra konnónhnhe tsi nonwé:shon kontí:teron aorihwá:ke.

2. Tetiakwatahsawá:nions iakwathró:ris tsi niohstorá:tie tsi ehtà:ke niaawennonhá:tie ne tsi náhe ne oié:ri niohserá:ke, iah teká:ien ne ia'takarihwaientá:on tsi náhe ne ónkwe takenhá:tie. Nahò:ten rón:ton ne IPBES, thotiniarotáhrhon ki tsi ní:ioht tsi teiottenionhá:tie – tsi nonwéshon ne kwah tokén:en we'néhtahs – né:ne tehatité:nies ne ohontsà:ke tánon kaniatara'kehkó:wa tsi ní:ioht tsi rónstha, éhontste nahò:ten ronnónha ronnéhre ronhá:tien enkonwatí:rio nahò:ten ne shaoié:ra tsi kontí:teron tánon konnónhnhe, teiottenionhá:tie ne awén:ta, kahetkéntha, tánon konwatiio'táti ne nia'tekón:ti nahò:ten ne konnónhnhe. Kí wísk niiorí:wake ne iohetkenhtonhá:tie tsi nihotiierenhá:tie né:ne na'kónshon tsi nihatiiérha oh naiá:wén'ne ahontwistón:ni, konwahetkéntha nahò:ten ne shaoié:ra.

3. Ionkwa'nikonhraién:ta's ne shaoié:ra tsi kwah í:ken tsi é:so sha'tékéna tionkwatka'wén:ni tánon tsi ehtà:ke waawenonhá:tie iótteron ne ónkwe akorihwá:ke ó:ni ne kákhwa, skén:nen akénhake, ata'karitáhtshera, tánon ne thénon iah teió:ken tsi nón:wa ní:ioht ne énska akén:hake tsi niionkwarihó:ten. Tsi niaawenonhá:tie ne shaoié:ra tsi ehtà:ke niaawenonhá:tie, ne orihwasé'shón:'a (technological) aóntston kwató:ken ni nen'é:e nioó:re khok nienhén:we, tánon ótia'ke ne shaoié:ra iah teká:ien ne taonsaionaktáhkwen. Ktieská:te, Onkwehón:we tánon ne kwah kahetkén:ton kanakeráhsera ronttó:kahs ó:nen tsi nihotkenenonhá:tie kwah í:ken ne shaoié:ra, ronhá:tien tsi rónstha ne ohóntsa tánon ratí:teron iah kí' e'tho teiostó:re tsi iohntononhá:tie tsi ní:ioht ne ákte' nón:we.

4. Ionkwathón:te's nek tethontahsáwha ne IPBES tánon ne IPCC taionkwasteríhen ne aiakwathárahkwe ne na'kónshon ne teiorí:wake tekení:neren ne kahetkéntha ne konnónhnhe kaienthósera tánon ne oiáshon kontitshénen tánon tsi teiottenionhá:tie ne awén:ta tánon kwah tokén:en tsi taontté:ni. Iakwaién:tere's ne thénon taontté:ni tánon ne khok taiatió:ia'ke tsi ehtà:ke waawenonhá:tie ne shaoié:ra iah kí' tshia'takaié:ri ne taontónhketé tsi ehtà:ke wahéhte ne shaoié:ra. Ne Post-2020 Global Biodiversity Framework iakohró:ris ne kowá:nens ronaterihwahtentiá:ton aontahon'seró:nenhte nahatihétkenhte ne shaoié:ra konnónhnhe ó:ia ní:ioht tsi é:ren ahatihá:wihte tánon ne thénon ronnón:nis, tánon ratiíénhne's, áhontste ne thénon í:si' iehoná:tie's ne ká:ron tsi naonsahatí:iere. Ne ohontsakwé:kon tsi nihatiiérha raotikó:ra iekonwattá:ti ne ó:ia' nakaié:ren, akaianeráhston tóka' ní' é:ren ahatihá:wihte ne thénon rotí'nikonhrá:reks ne ahatihétkenhte ne shaoié:ra konnónhnhe. Kí tsi nihatiiérha tewakwé:kon ionkwahró:ris ará:na ahsén:non khok naonsaionkwaiénta'ne ne watstáshion, tsi nón:we enwá:ton tóhsa í:si' nón:we í:tewatst ne atenná:tshera tánon ne oiáshon nahò:ten.

5. Wetewáttoke COP15 ne Tiohtià:ke ne lothorha 2022, onkwehshón:’a ne thoti’nikonhratihéntos né: ne ahatithá:rahkwe ne kwah tsi tka’nónhkwaïen nahò:ten iohetkéntha ne shaoié:ra, aetewanonhtonntonhwe tsi naetewá:iere aetewatáhsawen orihwakwé:kon taontté:ni tánon awe’néhton tsi nenkaïé:ren.

6. lakwaská:neks ó:ni aontiesénhake aiontkátho ne ioiá:nere aiakónhnheke ne iah tha’téká:neren ne iah tehatí’nikón:rare tsi í:si’ nón:we sénha é:ren ratihawítha tánon tsi é:so róntstha tánon ronnohétstha tsi nihonnonhtonntonhtsheró:ten; akaienta’ne ne aioié:nawa’sé akanonhsó:take tánon aierihwakweniénste ne sha’té:iot tsi ierihwakweniénstha ne tsik ní:ioht tsi iokwé:nion ne ohontsakwé:kon; aietharáhkwe tsi iah ne sháka té:ken tsi ratihetkéntha ne aón:ton oh nahatí:iere ne tóhsa aonhétken’ne; orihwí:io aiakón:ni e’tho aká:ra’ne tsi ní:ioht tsi ia’tahotirihwaién:ta’sé aión:ni tsi kanó:ron sé ne shaoié:ra; orihwí:io ahonnón:ni tsi sha’tenhóntste nahò:ten tewatká:was ne shaoié:ra; tánon ahatirihwakweniénste nahò:ten iakoianerenhserá:ien ne ónkwe tsi ní:ioht tsi ia’tenhotirihwaién:ta’sé, akwé:kon kí nahò:ten kwah tsi tiotáhsawen tsi niíó:re né:ne wahatithá:rahkwe.

7. Aiakwatsennón:ni aontontáhsawen ne ahatithárahkwe tsi nakaié:ren tánon ahatí:reke ne aïostóren’ne tánon kwah tokén:en ahonten’nikón:raren ne ó:ia’ Climate and Biodiversity COPs, ne aón:ton ia’takaririhwaién:ta’ne ne kari’:wanóntha akwé:kon taontté:ni.

8. leiakhiiáttati akwé:kon ne ohén:ton iehón:nete kakorahserá:kon tánon ne thonatenró:hon ahonthró:ri tsi enhontsníé:non kí *Montreal’s Call*, ahonten’nikón:raren tsi nientsá:wen’ne ne tsi iohontsá:te.

